

DUNA URTEAGA JAUREGI

A Maila | Bertsoa | 1. saria

Duna Urteaga Jauregi naiz, Beasaindarra, eta 2009. urtean jaio nintzen. Txiki-txikitatik gustatu izan zaizkit idaztea zein bertsolaritza eta urtero aurkeztu izan naiz Beasaingo Idazlan Lehiaketan.

MOLDEZ KANPOKO GORPUTZEI

Eskema baten barruan

sartu behar dela dana,

gure buruak moldatzen

hortxe daukagula lana,

nahi dute gizarterako

kontrolpeko panorama,

patriarkatuk mantendu

dezan egun duen zama,

pentsamenduk errotzea

da beraiek duten plana,

ezberdin garen guztioi

jarri digute diana,

jaiotzean definitu

nahi zigutenek izana

Naiz jarri haur txiki hura

estereotipoz beteta,
laister ere egin zuen
askatasun ezak neka,
asko egon izan dira
haien izana gordeta,
inguruaren babes
urrun izan dute eta,
naiz sarri ez den izaten
gaiarekiko hizketa,
norbera ezagutzea
bizitzan da ikasketa,
moldeak apurtuz egin
behar dugu ausnarketa

Ezarri nahi dituztenez
haiek hainbat arautegi,
geldiarazteko izan
behar hainbat artilleri,
naiz ur oso bortitzetan
egin behar den igeri,
eta jasan behar diren
sarri hainbat ankerkeri.

Benetazkoa ez dela
da soilik haien alegi,

nola iritz dakieke
anker denai askon egi,
sentipenak askatzea
orain ez al da

Badira interesatzen
zaizkien hainbat elkarte,
batzuen botere hura
zalantzan jartzen den arte,
Munduak jasanak ditu
jadanik hainbat aldarte,
baina oraindik ez da
izan gure den pasarte.

Borrokarako berhartu
behar dira hainbat tarte,
ez dut nahi izan proiektu
zapaltzaile honen parte,
baztertzaile bada inoiz
ez da izango gizarte

Aspergarria ez al da
denok berdin izatea,
aberatsgarriagoa
denez dibertsitatea,

nolatan da onartezin
transeksualitatea,
mundua izan beharko
litzekenean askea,
bere askatasuenan
ez du kaltetzen bestea,
moldeak sendotuz berriz
ergiten da katea,
norbait bere gorputzean
deseroso egotea

Ezin onarpena eman
jarri diguten ziegari,
beraz ekin barroteak
betiko apurtzeari.
Eutsi diezaiokegu
mundu utopikoari,
oraindik bagarelako
denok batera gizadi,
sarea eraiki behar
elkar lotuz mila hari,
trasfeminismotik ekin
balore aldaketari,
lekua utz diezaiogun

gorputzen askapenari.

Doinua: ET Aren su etenetik